



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphaliam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Baduradus Nobilis de Padberg, 2dus Episcopus Paderbornensis

urn:nbn:de:hbz:466:1-28481

B. Baduradus 2dus Episcopus Paderbornensis.

Beati titulo exornatur in ordine ac serie Episcop. Paderb. impressa anno 1688. Item à Schaten to. 1. annal. Paderb. ex quo etiam ejus vita potissimum desumpta est.

INter obsides Westphalicæ nobilitatis filios etiam Baduradus Carolo Magno oblatus est, adolescens vigoris eximii, & veterum, ut vult Gelenius, Padbergensium Dynastarum sanguis. Tyrocinia vitæ sanctioris posuit Herbipoli, ubi sub Magistris religiosissimis omnium literarum, ac virtutum genere sic excultus est, ut Ludovicus re & nomine pius Cæsar dignum duxerit, quem B. Hathumaro ad superiores transgresso Paderanam ad infulam subrogaret. Eminebat in eo præter insignem ingenos munificentiam, singularis in omni vita integritas, in animo submissio, in moribus modestia, in verbis sanctitas, in promovenda religione zelus, in procuranda subditorum salute labor indefessus. Dignitatem Episcopalem ita tenuit, ut nihil sibi pro adepto munere sollicitius agendum duxerit, quàm Dioccesin suam unà cum adlectis Clericis continenter obire, docere pro concione populum,

B

villas

villas & vicos in parœcias dividere, templa, ædésque sacras pro gentis rusticanæ cœtu fabricare, omnia demum, quæ B. Hathumarus studiosè cœperat, non minore sollicitudine ad usum, constantiámq; perducere. Carolinam Paderbornæ Basilicam initio sui Episcopatus solenni ritu Christianis sacris inaugura- vit; adjunctúmque ei Gymnasium collectâ juventute ita stabilivit, ut jam tunc per Westphalam celebres atque florentissimæ fuerint ad Paderam scholæ, in quibus non modò Christianæ legis præcepta, morésq; infunderentur in teneros adolescentum animos, sed etiam tanquam in Seminario Cleri, formarentur Sacerdotes, qui rudi Westphalorum genti Magistri esse possent, & Doctores. Præclaram quoque operam toti Ecclesiæ præstitit in Lothario ad gratiã Ludovici patris reducendo. Filius hic perduellis coacto exercitu Imperium omne [a] captivo patri abrogaverat, eundémque totâ æstate per urbes Franciæ tragico spectaculo circumductum tandem coëgerat, [b] Compendii in Basilica Deiparæ Virginis, regis indumenta ponere: tum deinde pullâ indutum veste, additâ, ne elabi posset, custodiã detruferat in Monasterium, toto populo,

[a] *Schaten pag. 94.* [b] *Urbs Gallia.*

pulo, qui ad hoc spectaculi copiosus aderat, inter gemitus, uberésq; lacrymas rei indignitatem summopere detestante. Ac tametsi non multò post totâ propè Germania, Franciâq; ad arma convolante, imperio restitutus esset Ludovicus; tantùm tamen adhuc aberat, ut vel tunc in Patris gratiam redire vellet Lotharius, ut etiam Legatos ad se missos [c] contumacibus verbis, & minis oneratos ab se rejiceret. Stabat jam in bella paratus Ludovici exercitus; miles omnis spirabat prælia injuriam repetiturus, quam tulisset: cùm ecce sanguinem rebellis filii miseratus pater, postremò Baduradum mittit, Præsulem sibi charissimum, & jam antè multis pro sese legationibus clarum. Ille, quâ pollebat facundiâ, perorando aggressus Lotharium, primò ex lege divinâ exponebat illi indignitatem sui facinoris; tum adjunctâ comminatione, quam ab ultrice Numinis manu tot contumaces in patrem filii experti essent, ostensâq; insuper Pontificali authoritate suâ præcipiebat sub edicto omnipotentis Dei, & Sanctorum ejus; uti ab impiorum, à quibus malè seductus fuerat, profligata societate ocyùs sese ad patrem retraheret. Valuit plurimùm oratio viri, &

B 2

ætatē

[c] Schaten pag. 99. & seq.

ætate gravis, & auctoritate spectatissimi: mox enim obsecutus filius cum eo descendit in castra, & introgressus in tabernaculum, ubi pater Imperator unà cum filiis Ludovico, & Pipino sub magnifico papilione confidebat, spectante toto exercitu circumfuso, supplex advolutus est ad patris genua, veniam omnium præteritorum humillimè deprecatus, & post modicam objurgationem etiam consecutus. Non minorem post ista laudem Baduradus tulit anno insequente 836 quando corpus S. Liborii in Ecclesiam & Diœcesin Paderanam intulit, thesaurum certè maximum, & innumeris exinde miraculis eo in loco clarum. Viderat sanctissimus Præsul plerasque [d] Saxonix urbes non modò suis consecratis Patronis, sed & Sanctorum corporibus, Divorùmq; reliquiis ad majus de cœlo præsidium communitas esse. Incensus ergo hoc sacro æmulandi studio publicum indicebat jejunium, magnisq; à Deo obsecrationibus flagitabat, dignaretur etiam suæ Ecclesiæ cum pignore alicujus Divi Patronum tutelarem dare. Nec vanæ fuerant preces illæ: mox enim accepit à Deo cœlitus, mitteret Cenomannorum ad urbem in Gallias; fore ut ibi votorum copia

[d] Schaten pag. 103.

pia fieret. Deliguntur ad opus & iter istud viri de Clero Paderano varii, atque inter alios etiam S. Meinolphus ejusdem Ecclesiæ Archidiaconus, qui die 27 Aprilis urbem Cenomannorum ingressi, à Badurado Antistite & Ludovico Imperatore literas precatórias exhibuere S. Albrico ejus tunc urbis Episcopo. Pronum erat hunc Præsulem in vota postulantium trahere, præsertim quod Imperatoris voluntas ad pias rogantium preces accessisset. Itaq; indicto prius jejunio cum Clero & Legatis progressus ad Ecclesiam, Divi Liborii sepulchrum aperit, populóq; corpus integrum videndum offert, odore suavissimo omnes, qui spectaturi aderant, afflante. Variis tunc statim prodigiis Deus illustravit hunc Sanctum: nam & claudo gressus & muto linguæ usus, & energumeno ab infesto hospite libertas reddita. Quæ omnia tametsi initio incolarum animos à dimittendo hoc sacro pignore alieniores facerent, precibus tamen, & facunda Albrici præsulis oratione inclinati tandem consensere. Ita demum Legati cum accepto corpore [e] dimissi sunt inâ Maji, Clero ejusdem urbis inter psalmos, & cantica eosdem in viam deducente. Ad Rhe-

B 3

num

[e] Schaten pag. 106.

num cum pervenissent, ingens Westphalorū multitudo constitit ex adverso littore, excita miraculorum magnitudine, quæ Saxoniam jam pene totam prævolante famâ compleverant, hominibus ampliùs 70 brevi itineris spatio divinitus perfanatis: dùmq; fluvius transmitteretur cum sacro feretro, omnes in terrâ provoluti cœleste pignus excepere, quod deinde 28 Maji ipso Pentecostes die ab universo Clero, & imensâ populi accurrentis frequentia in Urbem & Basilicam introductum, constanti postmodum Paderanis præsidio fuit, beneficiis plurimis supra naturam impertitis, & servatâ Diœcesi in cultu illius fidei, à qua regiones finitimæ iniquissimis temporibus defecere. His aliisq; in Ecclesiam meritis non minùs quàm ætate ac senio gravis Baduradus ad superos abiit anno post Christum natum 859, postquam Episcopatus suo sanctissimè præfuisset annis propè 45. Vestes ejus, quibus exanime corpus indutum, involutumq; fuit, post annos 27. cùm à Bisone Episcopo tumulus aperiretur, adeò repertæ sunt integræ, ut ne fimbria quidem putredinis alicujus notam visa sit contraxisse. Dies obitûs juxta Necrologium Abdinghoff. & Heris. [f] fuit 17. 7bris.

B. BER-

[f] *Adolph, Overham in not. ad vit. B. Meinwerici.*